

**Bartimeoj ñawisnin rikun (Lucas 18)**  
**"Diosmanta mañakojqa rikunqa milagrota"**

004

Uj jallp'arara ñan puriypi, manchay inti k'ajaypi. Mañaku ciegoqa chay ñan kantupi watej chukushallantaj. Runa pasajta uyarispa makinta aysaspa.

**Bartimeo:** (Triste) "¡Yanapariwaychej arí!, ¡qolqesituta qoriwaychej, uj phatitallatapis!"

Wakin llakikunku chay runamanta, wakintaj ni dakullankupischu ñak'ariyninmantaqa. Chay p'unchayqa askha runakuna pasashanku, tukuy Jericó llajtamanta kajkunapis kuyurikushankuma jina kashan.

**Bartimeo:** (desesperado) "¿Imataj kuna kaypi kashanrí?"

**Hombre:** "Jesucristo, Diospa churin kayninta pasashan. Pay tukuyta munakun, chanta askha onqosqasta sanoyachin, wañusqastapis kawsarichin."

Chayta uyarispa ciegoj sonqon imatapis jap'ej jina phuruqerin. ¿Jesús qhaparikusqayta uyariwanmanchu? Nispa.

Kallpan kaj chhikawan tukuy atisqanta qhapariyta qallarín:

**Bartimeo:** (gritando) "¡Jesús, ama jina kaychu arí, yanapariway! ¡khuyarikuwan noqamanta!"

Wakinkuna qhaparejta uarispa phiñakunku, kay jinata k'aminku.

**Hombre:** "Ch'inmanta kay, ithiriy kaymanta, manachusqa kunitan..."

¿Manachu Jesusman qhaparikuna kanman? ¡Mana! Bartimeoqa mana runata kasunchu, aswan kallpawanraj qhapariyta qallarín.

**Bartimeo:** (gritando) "¡Señor Jesús, ama jinachu kay ari, yanapariway...!"

Jesusqa sapa ujpa qhaporisqanta uyarín. Payqa uyarillantaj oracionniykitapis. Bibliapi willan, chaypacha Jesús sayaykuspa, kamachin:

**Jesús:** "Pusamuychej chay ciegota."

Jinallapi ciego Bartimeoqa Diospa churimpa ñawpaqempi sayashan. Manataj rikuyta atinchu, jinapis riparan paywan kashasqanta, chaytaj kusichin jark'aynimpi kashasqanta yachaspa. May munakuywan Jesús parlapayasqanta uyarín:

**Jesús:** "Bartimeo, ¿imatataj munanki ruwapusunayta? ¿Imatataj munanki noqamantari? ¿Imatataj suyankirí?"

Bartimeojtaqa mana chhika yuyaychakunan kanchu. Chay jina ñak'ariyninta manakuyman tukuchinallan:

**Bartimeo:** "Yachachej Señorníy, ñawisniy rikunanta munani, chaylla suyakuyninqa."

Jesúsqa, mañakuyninta uyarín.

**Jesús:** "¡Qhawariy! noqapi creesqaykirayku, qhawarichiyki ciego kasqaykimanta."

Chayratopacha Bartimeo rikun. Ñawisnin rikun pichus qhapharisqanman kutichejta, chanta mañakusqanta uyarejta.

Manchay kusion, pachi nispa Jesuswan khuska puriyta qallarin.

Bibliapi Diostata nisunki: "Ilakikuyniykipi wajyaway, noqa librasqayki, chanta jatunchawanki nispa."

**Personajes:** Relator, Bartimeo, Hombre, Jesús

© Copyright: CEF Germany